


BB 爆喊父母躁狂？專家：你愈大聲佢愈唔聽話



不少家長對於小朋友「扭計」都感到束手無策，甚至會將情緒發洩在他們身上。圖為台灣一宗家暴案的受虐兒童。(設計圖片)



黑衫男子用手掐住女童，並施以拳打腳踢，激起民憤，影片在網上瘋傳。(網上片段截圖)



香港的虐兒事件並不罕見，早前有人拍得家長罰小朋友跪地扭耳仔過馬路的短片。(網上片段截圖)



防止虐待兒童會總幹事何愛珠提醒，家長對小朋友必須保持責任心與耐性。(資料圖片)

網上瘋傳一段男子虐待 BB 女的影片，引起全城關注！遇着子女爆喊，家長好多時都「擱手唔成勢」，甚至會情緒失控！《港呢啲》請教了防止虐待兒童會總幹事何愛珠博士，教家長應該點做！

「小朋友唔可以鬧，唔可以打！」何愛珠表示，小朋友聽覺靈敏，家長愈大聲鬧，小朋友只會愈不知所措。所以教導小朋友時，應該好言相勸，增加小朋友對家長的信任。

何愛珠亦指出，當小朋友哭喊時，可以透過轉移視線令他們平伏情緒，「你畀一啲佢鍾意嘅玩具，畀佢揸住，或者佢(注意力)已經轉移咗去嗰度」。

何愛珠亦提醒家長，身教對小朋友來說非常重要：「要講得出，要做得好」。小朋友會學大人行為，所以家長必須以身作則，做好榜樣。

根據社會福利署的統計資料，2017 年 1 月至 3 月的虐兒個案總數為 256 宗，涉及身體虐待佔 108 宗；性侵犯佔 79 宗；疏忽照顧佔 58 宗。

Reference:

http://hk.on.cc/hk/bkn/cnt/news/20170630/bkn-20170630123511681-0630_00822_001.html